

## ТӨСӨЛ СОНГОН ШАЛГАРУУЛАХ УДИРДАМЖ

**Санхүүжүүлэгч:** Тэрбум Мод Сан

**Төслийн санал хүлээн авах сүүлийн хугацаа:** 2023 оны 12 дугаар сарын 01-ний 17:00 цаг

**Нэг төсөлд олгох санхүүжилтийн дээд хэмжээ:** Төслийн чиглэлээс хамааран 30'000'000-100'000'000 төгрөг

Монгол Улсын Ерөнхийлөгчийн санаачилгаар “Тэрбум мод” үндэсний хөдөлгөөнийг уур амьсгалын өөрчлөлт, цөлжилт, газрын доройтлыг бууруулах зорилготойгоор 2021 оноос эхлэн орон даяар хэрэгжүүлж эхлээд байгаа билээ. Энэ хүрээнд Монголбанк, Монголын Банкны Холбооны гишүүн байгууллагуудын санаачилгаар Тэрбум мод үндэсний хөдөлгөөнийг дэмжих сан (“цаашид Тэрбум мод сан”)-г 2022 оны 3-р сард үүсгэн байгуулсан. Сангийн үндсэн чиглэл болох байгаль орчныг хамгаалах, нөхөн сэргээх, ойжуулах, мод тарих, уур амьсгалын өөрчлөлт, цөлжилттэй тэмцэх нийгмийн шинж чанартай бичил төсөл хөтөлбөрүүдэд буцалтгүй тусламж болон хамтарсан санхүүжилт олгох зорилгын хүрээнд Сангийн 2023-2024 оны “Төсөл сонгон шалгаруулах хөтөлбөр”-ийн удирдамжийг нээлттэй зарлаж байна.

### 1. УДИРДАМЖ ЗАРЛАХ ҮНДЭСЛЭЛ

Уур амьсгалын өөрчлөлт, дэлхийн дулаарал хүн төрөлхтний хувьд нийтлэг сорилт болж, улс үндэстний аюулгүй байдал, тогтвортой хөгжилд нөлөөлөхүйц сөрөг үр дагаврыг дагуулж байна. Дэлхийн улс орнууд хамтын хүчин чармайлт гарган, тулгарч байгаа эрсдэлийг бууруулахаар нэгдэн зорьж 2015 онд Уур амьсгалын өөрчлөлтийг сааруулах Парисын хэлэлцээрийг баталсан. Монгол Улсын Ерөнхийлөгч У.Хүрэлсүх НҮБ-ийн Ерөнхий Ассамблейн 76-р чуулганаар “Тэрбумаар тоологдох мод ургуулах” санаачилгыг дэвшүүлсэн. Энэхүү санаачилга нь цөлжилт, газрын доройтол, ой мод, ойн сан, усны эх үүсвэр, экологийн тэнцвэрт байдлыг хадгалах төдийгүй уур амьсгалын нөлөөллийг бууруулж, эх дэлхийнхээ өмнө хүлээж буй маш том үүрэг хариуцлага болсон.

Монгол Улсын Засгийн газар “Монгол Улсын Тогтвортой хөгжлийн үзэл баримтлал-2030”, “Алсын хараа-2050”, Монгол Улсын урт хугацааны хөгжлийн бодлогын хүрээнд 2021-2030 онд хэрэгжүүлэх үйл ажиллагааны төлөвлөгөөний 6.2.4. “Ойжуулах, ойн тэлэн ургалтыг дэмжих, нөхөн сэргээх, ой хамгааллын арга хэмжээ авах замаар ойн хомсдолоос сэргийлэн, ойгоор бүрхэгдсэн талбайн хэмжээг нийт газар нутгийн 9 хувьд хүргэж, нүүрсхүчлийн хийн шингээлтийг нэмэгдүүлнэ”, 6.2.8. “Хөрс хамгаалах, газрын доройтлыг бууруулах, цөлжилттэй тэмцэх үндэсний хөтөлбөр хэрэгжүүлнэ”; Шинэ сэргэлтийн бодлогыг хэрэгжүүлэх эхний үе шатны үйл ажиллагааны хөтөлбөрийн 5.4.2-т “Уур амьсгалын өөрчлөлтийг сааруулах, цөлжилт, газрын доройтлыг бууруулах үндэсний зорилтыг хэрэгжүүлэх” тухай зорилтуудыг тусган хэрэгжилтийг хангуулахаар ажиллаж байна.

Уур амьсгалын өөрчлөлттэй тэмцэхийн тулд хүлэмжийн хийн ялгаруулалтыг багасгах үйл ажиллагааг дэмжих, санхүүжүүлэхээс гадна, газар бэлчээрийг нөхөн сэргээх, ойжуулах, мод тарих ажлыг хэрэгжүүлэх нь нүүрсхүчлийн хийг шингээх, уур амьсгалын өөрчлөлттэй тэмцэх хамгийн үр дүнтэй шийдлүүдийн нэг юм.

2020 оны судалгаагаар манай орны нийт нутаг дэвсгэрийн 76.9% буюу 120.3 сая га талбай бүхий газар нутаг цөлжилт, газрын доройтолд өртсөн болохыг тогтоогоод байна. Үүний 25% буюу 30 орчим сая га талбай цөлжилтийн хүчтэй ба нэн хүчтэй зэрэглэлд хамрагдаж байна. Цөлжилт, газрын доройтлын үндсэн шалтгааны 51% нь уур амьсгалын өөрчлөлт буюу байгалийн хүчин зүйл, 49% нь хүний үйл ажиллагаанаас үүдэлтэй гэж судлаачид тогтоожээ.

Монгол орны ой нь мөнх цэвдэг, ус, чийгийг тогтоон барих, гадаргын усны горимыг зохицуулах, уур амьсгалыг зөөлрүүлэх, хүлэмжийн хийг шингээх, ургамал, амьтны амьдрах таатай орчныг бүрдүүлэх зэрэг байгаль орчны тэнцвэрт байдлыг хангах хамгаалалтын өндөр ач холбогдол бүхий эмзэг тогтоцтой онцлог экосистем юм. 2020 оны байдлаар ойн сан бүхий газар 18321 мян.га буюу нийт нутаг дэвсгэрийн 11.7 хувийг, ойгоор бүрхэгдсэн талбай 7.9 хувийг эзэлж байна. 2010 онд ойгоор бүрхэгдсэн талбай нийт газар нутгийн 8.5 хувийг эзэлж байсан бол өнгөрсөн 10 жилийн хугацаанд 908 мян.га -аар багасаж, ойрхог чанар 7.9 хувь болж 0.6 хувиар буурсан нь ойн түймэр, хөнөөлт шавжийн олшрол, хууль бус мод бэлтгэлтэй холбоотой юм.

Иймд Тэрбум Мод Сангаас нийслэлийн төрийн өмчит, сургууль цэцэрлэг, эмнэлгийн орчинд ногоон байгууламж бий болгох, ойжуулалт, ойн нөхөн сэргээлтийн төслүүдийг санхүүжүүлэх замаар Парисын хэлэлцээрийн амлалтыг биелүүлэхэд Монгол Улсын Үндэсний Тодорхойлсон Хувь Нэмэр (ҮТХН)-ийн зорилт, ногоон, тогтвортой эдийн засгийн хөгжилд бодитой хувь нэмэр оруулахыг зорьж байна.<sup>1</sup>

## 2. ХӨТӨЛБӨРИЙН ЗОРИЛТ, ҮЙЛ АЖИЛЛАГААНЫ ЧИГЛЭЛ

Сангийн 2022 оны Төсөл сонгон шалгаруулах хөтөлбөрийн хүрээнд дараах чиглэлийн төслүүдэд санхүүжилт олгоно:

✓ **Чиглэл 1 – Төрийн өмчит цэцэрлэг, ерөнхий боловсролын сургууль, эмнэлэг, асрамжийн газрын ногоон байгууламжийн төсөл:**

Улаанбаатар хотод үйл ажиллагаа явуулж буй төрийн өмчит цэцэрлэг, ерөнхий боловсролын сургууль, эмнэлгийн гадна орчны ногоон байгууламжийг нэмэгдүүлэх; хүүхэд залуучуудын сурч боловсрох орчныг эрүүл болгох; эмнэлгийн үйлчилгээ авч буй иргэдэд эрүүл ногоон орчныг бий болгох төсөл хөтөлбөр багтана.

✓ **Чиглэл 2 – Олон нийтийн оролцоонд суурилсан ойжуулалт, ойн нөхөн сэргээлт, мод тарих төсөл:**

Ойн хомсдол доройтлыг бууруулах, ойгоор бүрхэгдсэн талбайн хэмжээг нэмэгдүүлэх зорилгоор түймэр, хөнөөлт шавж, хууль бус мод бэлтгэлийн

---

1

улмаас доройтсон ойг нөхөн сэргээх, ойжуулах, байгалийн сэргээн ургалтад туслах, мод тарихтай холбоотой төсөл хөтөлбөр багтана.

### 3. ТӨСӨЛД ТАВИГДАХ ЕРӨНХИЙ ШААРДЛАГА

Сангаас санхүүжилт олгох төслүүд нь дараах шаардлагыг хангасан байна:

- ✓ Төсөл нь дээрх хоёр чиглэлийн аль нэгтэй нийцсэн байх;
- ✓ Төсөл хэрэгжүүлэгч нь энэхүү удирдамжийн 4-т заасан зорилтот бүлэгт хамаарч байх;
- ✓ Төсөл хэрэгжүүлэх газар, талбайтай холбоотой ямар нэгэн зөрчилгүй байх. Төсөл хэрэгжүүлэх газар, талбайтай холбоотой зохих зөвшөөрөл болон бусад холбогдох арга хэмжээг авч, баталгаажуулсан байх, дахин төлөвлөлтөд ороогүй байх;
- ✓ Төслийг суурь судалгаан дээр үндэслэсэн байх;
- ✓ Төсөл хэрэгжих талбай нь ойжуулалт хийх, мод тарих нөхцөл, орчин бүрдсэн байх. Төслийг хэрэгжүүлэхэд шаардлагатай суурь судалгаа, шинжилгээг хийсэн байх;
- ✓ Төсөл хэрэгжүүлэгч нь мэргэжлийн эрхтэй байгууллага байх (Чиглэл 2-т хамаарна);
- ✓ Төсөл хэрэгжүүлэх газрын цэгийг баталгаажуулсан байх;
- ✓ Чиглэл 2-д төслийн зурган төлөвлөгөө хавсаргах;
- ✓ Төсөл хэрэгжүүлэхэд шаардлагатай хүний нөөц, техник тоног төхөөрөмж, бусад нөөцийг бүрдүүлсэн байх;
- ✓ Өмнө нь ижил төстэй төсөл хэрэгжүүлсэн гурваас дээш жилийн бодит туршлагатай байх (Чиглэл 2-т хамаарна);
- ✓ Төсөл хэрэгжих хугацаанд хэмжиж болохуйц бодит үр дүн гаргах боломжтой байх;
- ✓ Төсөл хэрэгжүүлэх явцад Сангийн хяналт тайлагнал, мэдээллийн шаардлагуудыг мөрдөж ажиллах, бусад төсөл хэрэгжүүлэгчид, олон нийтэд төслийн талаар туршлага, мэдлэгийг хуваалцахад нээлттэй байх;
- ✓ Төсөл хэрэгжих гэрээт хугацаа дууссанаас хойш цаашдын арчилгаа, үйл ажиллагааг тасралтгүй үргэлжлүүлэх боломж, нөөцтэй байх;
- ✓ Өргөдлийн маягт, хавсралтыг бүрэн гүйцэт бүрдүүлж, гарын үсэг, тамга, тэмдгээр баталгаажуулсан байх
- ✓ Төслийг хэрэгжүүлэхэд хамтын санхүүжилт гаргах боломжтой бол давуу тал болно;
- ✓ Төслийн үр дүнд шинэ ажлын байр, эдийн засгийн үр өгөөж үүсэх бол давуу тал болно.

**Сан зөвхөн дээрх шалгуурыг хангасан төслүүдийг үнэлгээний шатанд оруулах тул эдгээр шалгуурыг хангаж буй эсэхийг сайтар нягтална уу.**

### 4. ТӨСЛИЙН ХАМРАХ ХҮРЭЭ

Чиглэл тус бүрт өргөдөл гаргах боломжтой байгууллагуудыг доорх хүснэгтэд дэлгэрэнгүй харуулав. Нэг байгууллагаас нэг төслийн санал ирүүлж болно. Төслийг хоёр ба түүнээс дээш байгууллага хамтран боловсруулж, өргөдөл гаргах боломжтой.

*Жич: Хувь хүн, ашгийн төлөө болон худалдаа арилжааны үйл ажиллагаа эрхэлдэг аж ахуйн нэгж байгууллагууд доорх байгууллагуудтай хамтарсан төслийн санал ирүүлэх боломжтой.*

Хөтөлбөрийн үндсэн чиглэл		Өргөдөл гаргах боломжит байгууллагууд
1	Төрийн өмчит цэцэрлэг болон ерөнхий боловсролын сургууль, эмнэлэг, асрамжийн газрын гадаа орчинд ногоон байгууламж бий болгох төсөл	Улаанбаатар хотод үйл ажиллагаа явуулж буй төрийн өмчит цэцэрлэг, ерөнхий боловсролын сургууль, эмнэлэг, асрамжийн газрууд
2	Ойжуулалт, ойн нөхөн сэргээлт, мод тарих төсөл	Иргэний нийгмийн байгууллага, олон нийтийн байгууллага, ойн нөхөрлөл, сумын болон сум дундын ойн анги (ХХК нь дээрх байгууллагуудтай хамтарсан төслийн санал ирүүлж болно.)

## 5. ТӨСЛИЙН САНХҮҮЖИЛТ

Сангаас төслийн чиглэлээс хамааран санхүүжилтийг олгоно.

Хөтөлбөрийн үндсэн чиглэл	Санхүүжилтийн хэмжээ	Хамтын санхүүжилтийн шаардлага
1 Төрийн өмчит цэцэрлэг, ерөнхий боловсролын сургууль, эмнэлгийн ногоон байгууламжийн төсөл	<b>Нэг төсөлд: 30 сая төгрөг хүртэл</b> Нийт батлагдсан төсөв: 300 сая	хамтын санхүүжилттэй бол давуу тал болно <i>Жич: санхүүжилтийг шууд олгохгүй бөгөөд гүйцэтгэлийг тендерээр шалгарсан мэргэжлийн байгууллагаар хийлгэнэ.</i>
2 Олон нийтийн оролцоонд суурилсан ойжуулалт, ойн нөхөн сэргээлт, мод тарих төсөл	<b>Нэг төсөлд: 100 сая төгрөг хүртэл</b> Нийт батлагдсан төсөв: 500 сая	хамтын санхүүжилт хамгийн багадаа 20% байна

Сангийн санхүүжилтээр дараах төрлийн үйл ажиллагаа, зардлыг санхүүжүүлэхгүй:

- Шинээр хашаа худалдаж авах (уулын ойжуулалтад унанги мод ашиглан хашаажуулах зардлыг зөвшөөрнө);
- Шинээр худаг гаргах;
- Төслийн үйл ажиллагаанд хамааралгүй захиргаа, үйл ажиллагааны зардал;
- Үндсэн ажилчдын цалин;
- Цахилгаан, дулаан, усны төлбөр, байрны түрээс, харилцаа холбооны зардал;
- Барилга, байгууламж барих зардал;
- Төслийн үндсэн үйл ажиллагаанд хамааралгүй тоног төхөөрөмж, эд хөрөнгө худалдан авалт;
- Олон улсын аяллын зардал;
- Нам улс төрийн зорилготой аливаа үйл ажиллагааны зардал;
- Шашны шинж чанартай үйл ажиллагааны зардал;
- ТоС Холбооны санхүүжүүлэхийг хориглох үйл ажиллагааны жагсаалтад орсон үйл ажиллагаа ([www.toc.mn](http://www.toc.mn)).

Төслийн санхүүжилтийг шалгарсан гүйцэтгэгчтэй байгуулсан гэрээний дагуу гүйцэтгэлийн тайлан, санхүүгийн баримтад үндэслэн холбогдох хуваарийн дагуу олгоно.

## 6. ТӨСӨЛ ХЭРЭГЖҮҮЛЭХ ХУГАЦАА

- **Төсөл хэрэгжиж эхлэх хугацаа:** 2024 оны II улирал
- **Төсөл үргэлжлэх боломжит хугацаа:** 36 сар хүртэл
- **Төслийн дараа:** Төсөл хэрэгжиж дууссанаас хойш нэг жилийн хугацаанд арчилгаа, үйл ажиллагааны тогтвортой байдлын талаар явцын мэдээлэл ирүүлнэ.

## 7. ТӨСӨЛ СОНГОН ШАЛГАРУУЛАХ ТУХАЙ

Өргөдөл бүрийг шалгаж, доорх шалгуур үзүүлэлтийн дагуу үнэлгээ хийнэ. Шалгуур үзүүлэлтүүд нь өөр хоорондоо уялдаатай бөгөөд төслийн чанар, хэрэгжихүйц байдлыг үнэлэхэд шаардлагатай юм. Төслийн чиглэлээс хамааран зарим шалгуур үзүүлэлт үнэлгээнд хамаарахгүй байж болно.

- **Төслийн үндэслэл, зорилго, үр дүн, хамрах хүрээ:** Төслийн үндэслэл, зорилго, төслөөс гарах үр дүн, нөлөөлөл, шалгуур үзүүлэлтүүдийг нарийвчлан боловсруулж, оновчтой тодорхойлсон байх;
- **Төслийн байршил, аргачлал:** Төсөл хэрэгжүүлэх байршил, авч хэрэгжүүлэх арга хэмжээг холбогдох судалгаа, дүгнэлтийн дагуу оновчтой тодорхойлсон байх;
- **Төсөл хэрэгжүүлэхэд холбогдох стандарт, норм, дүрэм, журмыг дагаж мөрдөхөөр төлөвлөсөн байх.**
- **Төслийн бүтэц зохион байгуулалт:** Төслийн удирдлагыг үр дүнтэйгээр зохион байгуулахаар төлөвлөсөн буюу цаг хугацаа болон бусад нөөцийн хуваарилалтыг оновчтой төлөвлөсөн байх.

- **Төсөл хэрэгжүүлэгчийн туршлага:** Өмнө нь ижил төстэй төсөл хэрэгжүүлж байсан туршлага, сайн түүх, байгууллагын чадавхтай байх;
- **Хамтын ажиллагаа:** Төслийн хүрээнд зорилтот бүлгүүдтэй хэрхэн уялдаж ажиллах, тэдгээрийн оролцоог хангах талаар тодорхой мэдээллийг тусгасан байх, зорилтот бүлгийг төслийн чиглэл тус бүрээр тодорхойлсон байх шаардлагатай ба төсөл хэрэгжих байршилд хамаарах засаг, захиргааны нэгжтэй хамтарч ажиллахаар төлөвлөсөн бол давуу тал болно.
- **Төслийн тогтвортой, шинэлэг байдал:** Төслийг хэрэгжүүлэхдээ байгаль орчинд ээлтэй, олон улсын сайн туршлага, тогтвортой ойн менежмент, инновацид суурилсан болон бусад дэвшилтэт техник, технологийг ашиглахаар төлөвлөсөн бол давуу тал болно.
- **Хяналт, тайлагналын төлөвлөгөө:** Төслийн хэрэгжилтийн явцыг хянахад шаардлагатай шалгуур үзүүлэлтүүдийг бодитоор тодорхойлж, хяналт, тайлагналыг хэрхэн оновчтой хийх талаар тусгасан байх;
- **Төслийн арчилгаа, тогтвортой үргэлжлэх боломж:** Төсөл хэрэгжиж дууссаны дараагаар төсөл нь тогтвортой үргэлжлэн эерэг нөлөөлөл бий болж байх. Төслийн үр дүнд бий болсон ногоон байгууламж, ой мод, зэргийг цаашид тогтвортой арчлан хамгаалж ургуулах боломжтой байх;
- **Төсвийн үндэслэл, тооцоо:** Төслийн төсвийн тооцоолол нь бодит, зах зээлийн үнэд суурилсан байх ёстой ба үр ашигтай, хэмнэлттэй, үр дүнтэй байх зарчмыг баримтална. Өргөдлүүдийг үнэлэхдээ төсөв, нийт тарих модны тоо, нас, төрөл, талбайн хэмжээ, үр дүн зэргийг харгалзаж, харьцуулалт хийнэ. Төсөл хэрэгжүүлэгч нь төслийн нийт төсвийн 20%-ийг хамтын санхүүжилтээр гаргах боломжтой байх (Чиглэл 2-т хамаарна).

## 8. ӨРГӨДЛИЙГ СОНГОН ШАЛГАРУУЛАХ ҮЕ ШАТ

Сангийн үйл ажиллагаа, бусад хүчин зүйлсээс хамааран доорх төлөвлөгөөт хугацаанд өөрчлөлт гарах боломжтой.

Огноо	Үе шат	Тайлбар
2023 оны 10 сарын 9	Төсөл сонгон шалгаруулалтыг нээлттэй зарлах	Төсөл сонгон шалгаруулах удирдамжийн зарыг Сангийн цахим хуудас болон хэвлэл мэдээллийн хэрэгслүүдээр түгээнэ.
2023 оны 10 сард	Цахим мэдээлэл өгөх	Тэрбум мод сангийн талаар болон төслийн санал ирүүлэхтэй холбоотой мэдээ, мэдээлэл, зөвлөгөө өгөх 2 удаагийн цахим уулзалтыг зохион байгуулна.
2023 оны 12 сарын 01-нд	Төслийн санал, өргөдөл хүлээн авах эцсийн хугацаа	Төслийн саналыг ирүүлэхдээ цахим маягт болон холбогдох хавсралтуудын дагуу бүрэн гүйцэт мэдээлэл ирүүлнэ. Хугацаа хэтэрсэн болон дутуу бэлтгэсэн төслийн саналыг хүлээн авахгүй.



2023 оны 12 сард	Ажлын албаны урьдчилсан үнэлгээ болон төслийн саналын техникийн үнэлгээ	Ажлын алба эхний шатанд төслийн материал шаардлагын дагуу, цаг хугацаандаа, бүрэн бүтэн ирсэн эсэхийг нягталж, шаардлага хангасан төслүүдийг Техникийн хорооны үнэлгээний шатанд шилжүүлнэ.
2024 оны 1 сард	Газар дээрх шалгалт болон ярилцлага	Техникийн хорооноос хамгийн өндөр үнэлгээ авсан төслийн хэрэгжих байршил дээр Техникийн хорооны төлөөлөл болон ажлын албанаас биечлэн танилцаж, төсөл хэрэгжүүлэгчтэй ярилцлага хийнэ.
2024 оны 3 сард	Санхүүжилт олгох төслүүдийг сонгох, батлах	Төслийн сүүлийн шатанд шалгарсан төслүүдийг Сангийн Удирдах зөвлөлийн хурлаар хэлэлцэн эцэслэж батална. Шаардлагатай тохиолдолд Удирдах зөвлөлөөс төслийг нэмэлт нөхцөлтэйгөөр баталж болно.
2024 оны 3 сард	Санхүүжилтийн гэрээ байгуулах, нөхцөл тохирох	Шалгарсан төслүүдэд мэдээлэл хүргүүлж, төсөл хэрэгжүүлэх, санхүүжилт олгох гэрээг байгуулна. Удирдах зөвлөлөөс төсөлтэй холбоотой нэмэлт нөхцөл, шаардлагыг баталсан тохиолдолд эдгээр нөхцөл дээр тохиролцож, гэрээнд тусгана.
2024 оны 4 сард	Шалгарсан төслүүдийг олон нийтэд зарлах	Шалгарсан төслүүдийн мэдээллийг олон нийтэд нээлттэй, ил тод зарлана.

**Төслийн сонгон шалгаруулалттай холбоотой мэдээллийг төсөл сонгон шалгаруулалт албан ёсоор дууссаны дараагаар буюу 2024 оны 02 сард нэгдсэн байдлаар төслийн материал ирүүлсэн байгууллагуудад хүргүүлнэ.** Сонгон шалгаруулалтад тэнцээгүй төслүүдэд Сангийн зүгээс албан ёсны мэдэгдэл хүргүүлэх ба сонгон шалгаруулалтын үнэлгээ, нэгдсэн дүн болон бусад тайлбар мэдээлэл өгөх үүрэг хүлээхгүй. Тухайн жилд шалгараагүй өргөдөл гаргагч нь дараа жилийн хөтөлбөрт төслийн саналыг сайжруулан ирүүлэх боломжтой.

Төслийн сонгон шалгаруулалтыг явуулахдаа Сан нь дотоод засаглал, бодлого журмуудыг мөрдөж ажиллах бөгөөд төслийн сонгон шалгаруулалтад ямар нэгэн улс төрийн нөлөө болон ашиг сонирхлын зөрчилгүй байх зарчмыг баримтална. Сангийн бодлого, журам, хандивлагчид, Удирдах зөвлөл, хороодын бүрэлдэхүүнийг [www.billiontree.mn](http://www.billiontree.mn) вебсайтаас харах боломжтой.

## 9. ТӨСЛИЙН ХЭРЭГЖИЛТ, ХЯНАЛТ, ТАЙЛАН, МЭДЭЭЛЭЛ

### **Төслийн төлөвлөгөөний зурган мэдээлэл:**

- Чиглэл 2-т хамаарах төслүүд өргөдөл илгээхдээ ажлын төлөвлөгөөний зурган мэдээллийг заавал ирүүлсэн байна.

### **Хяналт:**

- Сангаас төслийн хөндлөнгийн хяналт шалгалтыг зурган төлөвлөгөө, үйл ажиллагааны төлөвлөгөөний дагуу улиралд тутамд хийж, төслийн явц, модны ургалтыг хэмжинэ.
- Төслийн хүрээнд тарьсан модыг QR кодоор бүртгэж, Сангийн нэгдсэн мэдээллийн санд бүртгэнэ. Мөн улирал тутамд төслийн бүхий л үе шатанд зураг, видео баримтжуулалтыг хийнэ.
- Шаардлагатай тохиолдолд Geospatial Tracking хэрэгслүүдийг ашиглан төслийн явцыг хянана.

### **Тайлан:**

- Төсөл хэрэгжүүлэгч нь төсөл хэрэгжих хугацаанд жилд хоёр удаа үйл ажиллагааны хэрэгжилтийг тусгайлан бэлтгэсэн маягтын дагуу тайлагнана.
- Төсөл хэрэгжүүлэгч нь төслийн санхүүгийн тайлан, баримтыг мөн жилд хоёр удаа бэлтгэсэн маягтын дагуу илгээнэ.

### **Мэдээлэл, туршлага хуваалцах:**

- Төсөлтэй холбоотой бүхий л гадагшаа чиглэсэн мэдээлэл, контент дээр Сангийн логог байршуулж, Сангийн маркетингийн гарын авлагын дагуу мэдээллийн ажлыг зохион байгуулна.
- Төсөл хэрэгжүүлэгч нь төслийн хэрэгжилтийн талаар мэдээ, мэдээллийг тайланд болон олон нийтэд таниулах зорилгоор хуваалцахад нээлттэй байна.
- Төсөл хэрэгжүүлэгч нь мэдээлэл солилцох цахим группт нэгдэн өөрсдийн туршлагыг хуваалцаж, Сангаас зохион байгуулах уулзалт, арга хэмжээнд идэвхтэй оролцоно.

## **10. ӨРГӨДӨЛ ХҮЛЭЭН АВАХ ТУХАЙ**

- Төслийн саналыг чиглэл бүрт тусгайлан боловсруулсан өргөдлийн маягтын дагуу **2023 оны 12 дугаар сарын 01-ний 17:00 цагаас өмнө** ирүүлнэ үү.
- Төслийн материалыг [billiontree.mn/project-selection](http://billiontree.mn/project-selection) хаягаар бүртгэл үүсгэн ирүүлнэ.

## **11. ХОЛБОО БАРИХ ХАЯГ, ЛАВЛАХ УТАС**

Хэрэв танд төсөл сонгон шалгаруулах үйл явцтай холбоотой асуулт, тодруулга, зөвлөгөө авах шаардлага гарвал доорх хаягаар холбогдоно уу.

### **“ТЭРБУМ МОД САН”**

Хаяг: Улаанбаатар хот, Сүхбаатар дүүрэг

1-р хороо, Парк Плейс 904 тоот

Утас: 8998 – 6002



Цахим шуудан: [info@billiontree.mn](mailto:info@billiontree.mn)  
Цахим хуудас: [www.billiontree.mn](http://www.billiontree.mn)